

ի յմասկուտարն ուղևորել զԵղիազար վարդապետն, և գնացաք ի Հայիրն որ հանդէպ Քաղկեդոնի, նստեալ անդ կերաք զհացն. եւ և աւրհնեաց զքաղաքս և զմեզ. և հեծեալ ի ջորին իւր՝ եւ և գնաց իւրաջնօքն հանդերձ:

Եւ յետ աւուրց ինչ կաթողիկոսն ի Սուրբ Նիկողայոս եկեղեցին Ոհան վարդապետին մեծի և Ներսէս վարդապետին՝ առաջնորդին Տաթևոյ և Ովանէս Մուղնեցոյն Գ վարդապետիս գաւազան տվաւ:

Եւ յաւուրքս Եղիազար վարդապետի աշակերտ Իգնատիոս վարդապետն եկեալ ի Կաֆայու, որ էառ վարդապետն զնւիրակութիւն և զաշակերտն ուղարկեաց և այժմ եկն բազում ընծայիւ և զհետ բերեալ էր մի պատուական սնտուկ, որ կոչի փէշթահտա սատաֆքեարի, զայն Եղիազար վարդապետն ուղարկեաց աշակերտաւն իւրով ընծայ կաթողիկոսին, որ էր ի Սուրբ Նիկողոս, և նա յոյժ ուրախութեամբ ընծայեաց զնորին աշակերտսն:

Եւ յետ բանիցս զՈհան վարդապետն փոխեցին և զՆերսէս վարդապետն եղին առաջնորդ, և նա ևս ոչ կամօք զայս արար Մուղնեցի Ովանէս վարդապետն թէ իմ վերայ հանգչի առաջնորդութիւնն, և նա ևս ձգեաց և Ե Զ օր Յակոբ Տիրացու խազնատարին վերայ կեցաւ, և անտի առեալ ետուն զմօհրն և զառաջնորդութիւն Յովանէս վարդապետին Մուղնեցոյ:

Եւ Հովտեմբերի ԼԱ-ին օր Կիրակի ի Սուրբ Հրեշտակապետ եկեղեցին կաթողիկոսն եպիսկոպոս մի ձեռնադրեաց Պուղտանցի:

Եւ յետ աւուրց ինչ զՄեծ Ոհան վարդապետն ի Լէհ ուղարկեաց կոնդակով և աւրհնութեամբ նւիրակ:

Նոյեմբեր ամիս օր Բչի:

Թ-ին օր Գչի. երեկոյին որ Դչի լուսանայր, երոցք եղև անկեալ ի նոր Պէզէստանի դիմացէն և ի